

11/6/2014

扶貧委員會社會參與專責小組副主席紀文鳳小姐出席

「築福香港·千人同遊大嶼山」記者會致辭全文

許(曉暉)副局長、葉(慶寧)會長、林(少麟)主席、蔡(少綿[迪士尼代表])、劉(淑儀)女士[昂坪 360 代表]、兩位區議會主席，周(玉堂)主席[離島區]、陳(耀星)主席[荃灣區]、各位嘉賓、各位傳媒朋友：

大家好！好多謝大家出席今日的「築福香港·千人同遊大嶼山」記者會。

在去年底，「築福香港」開始蘊釀的時間，旅行社東主協會葉慶寧會長(Freddy)已經同我講，可以幫到人嘅，佢一定義不容辭。後來，當「築福香港」在本年年初正式啟動後，Freddy 就說「我哋做旅遊的，不如就在築福香港「六月·家庭月」，讓一些弱勢人士有機會去大嶼山旅遊，體驗一下」。跟住，佢就用佢在旅遊業界的廣闊人脈，邀請旅遊業界朋友攜手合作，促成今次「千人同遊大嶼山」。我相信，今次又係本港破天荒第一次發動和凝聚到咁多旅遊業界朋友，團結一起，為本港弱勢人士一起出力。在此，我向各位出心出力出資的朋友，致以衷心致謝。

今次「築福香港·千人同遊大嶼山」目的是支持不同人士也同樣享有遊樂的機會，讓大家體驗大嶼山的旅遊資源。今次活動雖然是第一次辦，但受惠人數已達 1,000 人，旅遊巴士司機及導遊更是義務參與。

今次「千人同遊大嶼山」亦係再一次體現了「民、商、官」合作，係扶助弱勢的一個有效模式：民間的受惠朋友、由商界，例如今次旅行社東主協會、迪士尼樂園同昂坪 360 全力支持；而官方，即係扶貧委員會秘書處同社會福利署的同事負責協調；有效發揮「築福香港」這個平台的功用。我希望「築福香港」能夠繼續將這個分享同捨得文化，在社會

上繼往開來。

在此，我謹代表扶貧委員會社會參與專責小組再一次向所有支持是次活動的贊助單位表示謝意。最後，我希望「築福香港·千人同遊大嶼山」令受惠社群有一個開心快樂的旅程。

多謝大家。